

FERÐIR

LAUGARDAGUR 25. MAÍ 2013



Hvernig er þín draumaferð?

Margir eru líklega að velta fyrir sér draumaferðinni í sumarfríinu. Einhverjir ætla að ferðast innanlands en aðrir horfa til útlanda. Það er misjafnt hvað fólk vill gera í fríinu, rólegheit, partí eða puð. Hvert er þá best að fara?

Löndin við Miðjarðarhafið laða margna að. Þar er hægt að finna staði fyrir matgæðinga, strandaðdáendur, partífélk, hina rómantísku, fjölskyldustaði og þá sem vilja reyna á sig í göngu-, hjóla- eða fjallaferðum. Blaðamaður á netmiðli VG í Noregi tók saman nokkra slíka staði fyrir lesendur og víst er að þær upplýsingar henta líka Íslendingum. Ef íslenskar ferðaskrifstofur bjóða ekki ferðir á þessar slóðir er auðvelt að fara á eigin vegum frá Lundúnum, Kaupmannahöfn eða öðrum borgum.

Fyrir strandaðdáendur

Sól, sumar og strönd eru í augum margra þau þrjú orð sem þýða gott frí. Á grísku eyjunni Lefkada er ströndin Porto Katsiki sem er umkringd fallegum klettum og grænum fjallstindum. Kríthvít ströndin liggur þar með óendanlegu útsýni.

Á hinni falletgu Sardiníu eru paradísarstrendur eins og Cala Goloritze og Cala

Luna. Sardinía er stöðugt að verða vinsælli sem ferðamannastaður, enda afar fallegt landslag.

Á Kýpur eru margar góðar strendur sem þar utan eru í óruggu umhverfi og sjórinn er tær og fallegur.

Korsíka kemst einnig á blað fyrir hvítar strendur og kristaltæran sjó. Um mitt sumarið er þó mikið margmenni á þeim slóðum.

Í Króatíu er afar fallegt landslag og góðar strendur.

Fyrir partífélkið

Ibiza hefur löngum verið mikill partístaður. Þar eru nærurklúbbarnir í röðum, flottir plötusnúðar og nóttin er alltaf ung.

Á Ayia Napa á Kýpur eru flottir næturklúbbar og þar er meðalaldur djammaranna á milli 20-30 ár.

Magaluf á Mallorca er þekktur partístaður. Mjög vinsæll djammsaður fyrir ungt fólk.

Kos í Grikklandi er sömuleiðis þekktur partístaður. Partí, dans og drykkja allar nætur.

St. Tropez í Frakklandi er fyrir þá efna-meiri en klúbbarnir standa í röðum og alltaf hægt að lenda í fjöri.

Fyrir þá ofvirku

Sierra Nevada á Spáni. Góður staður til að fara í fjallaferðir og ýmsar skemmtilegar göngur. Skoðið spanishhighs.co.uk.

Krít býður upp á margar óvenjulegur gönguferðir. Skoðið Bungy.gr.

Malta hefur upp á að bjóða einhverjar bestu dýfingaupplifanir við Miðjarðarhafið. Skoðið Scubadivingmalta.com.

Fyrir þá sem vilja fara í fallhlífarsök er Norður-Spánn upplagður. Skoðið skydivempuriabrava.com.

Fyrir þá rómantísku

Útsýnið frá grísku eyjunni Santorini er heimsfrægt fyrir hinn einstaka sólar-

gang. Santorini þykir ákaflega hentug fyrir ljósmyndara og er mest myndaða eyja í heimi.

Ítalía er afar rómantísk og margir möguleikar til að njóta rómantíkur. Þar má nefna eyjuna Ponza, sem liggur á milli Rómar og Napolí, eða Terracina og Sperlonga og svo má ekki gleyma Amalfi-ströndinni sem er einstök.

Sigling um Miðjarðarhafið er sömuleiðis einstaklega rómantísk.

Frönsk upplifun. Leigðu bíl og keyrðu um frönsku rivíeruna þar sem hægt er að aka um litla og stóra bæi og njóta kvöldstemningar við ströndina í Nice eða á vínbúgördum inn til landsins.

Fyrir matgæðinga

Það er aldrei hægt að fá nóg af góðum mat í fríinu. Á frönsku rivíerunni eru margir möguleikar í matarupplifun. Hægt er að nefna bæinn Eze þar sem veitingahúsið Chevre d'Or býður upp

Í brúðkaupsferð á Svalbarða

Árdís Elíasdóttir og Donal O'Connell eru nýkomin úr ævintýralegru brúðkaupsferð til Svalbarða í Norður-Íshafi. Þau ferðuðust um á eins manns hundasleðum, gistu í seglskútu sem frosin var föst í Templarfjorden, sáu ísbjarnamömmu með tvo húna og heimsóttu yfirgefinn rússneskan draugabæ.

Norðlægur slóðir hafa lengi heillað Árdís og Donal og því fannst þeim ekki úr vegi að stefna í þá átt í brúðkaupsferð sinni. „Við höfðum farið í frábært ferðalag til Alaska árið áður en við giftum okkur. Hins vegar fórum við aldrei norður fyrir Reykjavík og því fannst okkur tími til kominn að halda aðeins norðar en Ísland í næstu ferð,“ segir Árdís en þau Donal gengu í hnapphelduna í júní 2011 en brúðkaupsferðin var ekki farin fyrr en í ár. „Við ákváðum að fara eins langt norður og við kæmumst án þess að þurfa að leggjast í margra mánaða eða ára undirbúning,“ upplýsir hún og því varð Svalbarði fyrir valinu. „Svalbarði er nýrsta byggðarlag heimsins og það er ótrúlega auðvelt að komast þangað með reglulegu áætlanarflugi,“ segir Árdís en hjónin, sem búa í Danmörku og Edinborg um þessar mundir, flugu frá Kaupmannahöfn í gegnum Ósló og Tromsø til Longyearbyen á Svalbarða.

Í liði með Ronju ræningjadóttur

Í bænum gistu þau í Basecamp Trapper's Hotel sem er byggt í stíl kofa sela- og ísbjarnaveidimanna fyrri tíma. Fyrsta kvöldið var ætlað í rólegheit en þau álpúðust inn á ferðaskrifstofu þar sem þeim var í snarheitum kippt með í jökulhelli til að leika ferðamenn í auglýsingamyndbandi. „Okkur fannst frekar myndið að vera loks „uppgötvuð“ á Svalbarða eftir að hafa búið í mörg ár í Los Angeles,“ segir Árdís kímín.

Svo var haldið í fjögurra daga hundasleðaferð. „Við vorum fimm í allt með leiðsögumanninum og hvert okkar með sleða með sex hundum. Ég valdi að sjálfsgöngu liðið með Ronju ræningjadóttur,“ segir Árdís glaðlega en ferðin var mikið ævintýri. „Þetta var bæði mun auðveldara og mun erfiðara en ég átti von á. Þetta var líkamlega auðveldara, hundarnir voru sterkir og maður þurfti ekki að

hjálp þeim nema upp allra bröttustu brekkurnar. Hins vegar var þetta tæknilega mun erfiðara en ég átti von á og maður hafði litla stjórn á sjálfum hundunum,“ segir Árdís enda voru einungis hundar leiðsögumannsins þjálfaðir í að hlýða skipunum til hægri og vinstri. „Hinir hundarnir áttu að elta sleðann á undan sem var saklaust á snjóbreiðunum en gat orðið erfitt í brekkum. Stundum endaði sleðinn á hliðinni og maður rúllaði af.“

Hótel um borð í skútu

Fyrstu nóttina gistu Árdís og Donal á allsérstöku hóteli, hollensku seglskútunni Noorderlicht sem situr frosin föst í Templarfjorden á veturna. „Skipinu er siglt inn fjörðinn á haustin og látið frjóska fast, og svo er því siglt aftur burt um vorið,“ segir Árdís og var afar ánægð með gistinguna. „Þarna hittum við annað myndatökulið sem var að mynda samspil ísbjarnamóður og húna,“ segir hún og um kvöldið gátu þau öll fylgst með ísbjarnamóðurinni úr öryggi bátsins. „Í allri ferðinni máttum við ekki fara út án leiðsögumanns sem ávallt var vopnaður riffli og skammbyssu vegna ísbjarna.“

Næstu tvær nætur gisti hópurinn í skála við rætur Nordenskjöld-jökulsins. „Þaðan fórum við í dagsferð á sleðunum yfir frosinn Isfjorden til Pyramiden sem er gamall rússneskur draugabær. Þar búa reyndar tuttugu manns núna, fimm sem reka þar ferðapjónustu og fimmtán sem vinna við að hreinsa svæðið af hrörnandi byggingum. Þar hittum við líka myndatökulið númer þrjú sem var að vinna að mynd um hjólabretti á norðurslóðum.“ Í lok ferðarinnar var hópurinn sóttur með bát á rönd íssins og siglt var aftur til Loneyarbyen. „Síðasta daginn okkar á Svalbarða fórum við í vél-sleðaferð á austurströndina sem er mun kaldari en vesturströndin sem nýtur yls frá Golfstrauminum,“ segir Árdís en þau hjónin eru himinlifandi með þessa köldu brúðkaupsferð.



Árdís og Donal kappklæddir í kuldanum á Svalbarða. Þau voru hæstánægð enda var stefnan að fara í brúðkaupsferðina að vetrarlagi.



„Hótel“ Noorderlicht er í raun skúta sem frosin er föst í firði. Í forgrunni er eitt hundateymi sem hvílir lúin bein.



Í skálanum við Nordenskjöld-jökulinn þurfti að ná í is úr jöklinum til að bræða sem drykkjar- og saunuvatn.



Árdís og Donal fóru í fjögurra daga hundasleðaferð um snjóbreiður Svalbarða. Þau voru fimm saman og hvert og eitt með eigin hundasleða og hundateymi.


Útgefandi: 365 miðlar ehf., Skaftahlíð 24, s. 512 5000 Umsjónarmenn auglýsinga: Sverrir Birgir Sverrisson, sverrirbs@365.is, s. 5125432 Ábyrgðarmaður: Jón Laufdal.

SKÝRT MERKI UM FAGMENNSKU



FERÐA
MÁLA
STOFA
ICELANDIC
TOURIST
BOARD

Vakinn er gæða- og umhverfiskerfi ferðapjónustunnar. Skráðu þitt fyrirtæki á www.vakinn.is



Verð sýnt uppfært 26.4.2013 08:50

	Olís	262,3 kr.
	Málekisbraut 12	116,68 m
	Shell	262,3 kr.
	Laugavegi 180	430,78 m
	Miklabraut norður	262,0 kr.
	Miklabraut 101	581,96 m
	Miklabraut, suður	262,0 kr.
	Miklabraut 100	659,93 m
	N1	262,3 kr.
	Fellsmíla 24	942,19 m
	N1	262,3 kr.
	Borgartúni 39	1,04 km
	Skeifan	262,1 kr.
	Skeifunni 5	1,04 km
	Olís	262,3 kr.
	Áthvamum 49	1,18 km

HVAR FINN ÉG ÓDÝRT BENSÍN?

Bensíndropinn er dýr og það borgar sig að fylgjast með ódýrasta lítraverðinu hjá bensínstöðvum á ferðalög innanlands í sumar. Nú geta ferðamenn sem eiga snjallsíma eða spjalddölvu sótt smáforrit (app) sem nefnist Bensínvaktin. Smáforritið, sem er ókeypis, veitir notandanum upplýsingar um hvar ódýrasta bensínið er að finna og þá bensínstöð sem er næst honum. Nýjustu bensínverðin uppfærast reglulega og verð eru sótt til allra bensínstöðva hérlendis, bæði hefðbundinna bensínstöðva og sjálfsafgreiðslustöðva. Einnig býður smáforritið upp á að reikna bensíneyðslu bifreiðarinnar og kostnað út frá uppgæfnum gögnum. Advania bjó til Bensínvaktina í samvinnu við gsmbensin.is og fæst hún bæði fyrir iPhone- og Android-síma og er sótt inn á iTunes og Google Play.



KORSBÆK RÍS Á BAKKEN

Aðdáendur dönsku þáttanna Matador geta áður en langt um líður tyllt sér inn á Postgaarden og pantað smurbrauð og öl hjá þjóninum Boldt. Til stendur að tileinka 2.500 fermetra svæði þorpínu Korsbæk, sögusviði Matador-þáttanna í skemmtigarðinum Bakken.

Áætlað er að Matador-svæðið verði opnað árið 2015 og geta gestir kíkt inn í dagstofu Elisabeth, verslun Mads Skjern, borðstofu Værnes-fjölskyldunnar, inn til grísabóndans og að sjálfsögðu inn í eldhús til Lauru.

Lise Nörgaard, höfundur Matador-þáttanna, er 96 ára en segist vona að hún lifi að sjá þorpið sitt rísa. „Það verður þá bara að keyra mig um svæðið í hjólastól, eins og frú Fernando Møghe,“ sagði Nörgaard hress á blaðamannafundi.

Sjá www.aok.dk

ÁST UM BORD Í NEÐANJARÐARLEST

Lestarferðalag um Evrópu þykir rómantískur ferðamáti. Neðanjarðarlestir þykja á hinn bóginn ekki til þess gerðar að vekja rómantískar hugsanir. Þessu ætla yfirvöld almenningssamgangna í Prag í Tékklandi að breyta.

Brátt verða kynntar til leiks lestarvagnar sem eingöngu eru ætlaðir einhleypum. Uppátækið er hluti af átaki sem felst í því að fá fólk heldur til að ferðast með neðanjarðarlestum en einkabílum með því að benda á ýmislegt sem

hægt er að gera í lestunum sem ekki er hægt í bílum. Til dæmis að þar sé hægt að lesa, spila tölvuleiki og jú, hitta draumaprinsinn eða -dísina.

Ætlunin er að hefja samstarf við stefnumótáþjónustur sem munu skipuleggja uppákomurnar um borð í lestunum sem verða þó aðeins á ferðinni á kvöldin og um helgar.

Vefsíðan www.gadling.com greinir frá.



HÓPFERÐIR

SJÁIÐ HEIMINN Í GÓÐRA VINA HÓPI

Árshátíð, haustferð, stórafmæli?

Njótíð þess að ferðast saman og vera til. Icelandair býður hópferðir til fjölmargra áfangastaða austan hafs og vestan, ferðir sniðnar að þörfum fólks í góðra vina hópi* sem eiga örugglega eftir að hressa upp á tilveruna.

Hafið samband við hópadeild Icelandair

Skipuleggið ferðina tímanlega. Við getum séð um að bóka flug, hótél, rútur, skoðunarferðir og kvöldverði. Leitið tilboða með því að fylla út fyrirspurnarformið á icelandair.is/hopar

+ Nánari upplýsingar hjá hópadeild Icelandair í síma 50 50 406 eða á hopar@icelandair.is

Vertu með okkur

ICELANDAIR

* Hópur miðast við að 10 eða fleiri ferðist saman.



Bærinn Eze á frönsku rivierunni. Þangað ættu matgæðingar að fara.



Split í Króatíu. Í Króatíu eru góðar strendur og skemmtilegar borgir og bæir.

► á himneskan mat og útsýni yfir Miðjarðarhafið. Síðan má gera sér ferð á Ajuna niður við ströndina sem er toppveitingastaður.

Barcelona er matarborg með sína fráberu tapas-rétti, auk þess sem þar er matarmarkaðurinn mikli, La Boqueria.

Á Grikklandi eru margir spennandi veitingastaðir. Best er að forðast þá í túristagötum og borða á sömu stöðum og heimamenn.

Tyrkir eiga sömuleiðis góða veitingastaði og bent er á að prófa heimamat.

Á Taormina á Sikileyjum eru eðalveit-

ingahús og trattoríur í röðum. Hægt er að benda á Vicolo Stretto fyrir útsýnið og sjávarfangið en einnig Bye Bye Blues í Palermo.

Fyrir þá sparsömu

Albanía er heillandi staður og minnir á Grikkland. Fólkið er gestrisið og náttúran falleg. Verðlagið er þó mun hagstæðara en í löndunum í kring og líklega er þetta ódýrasti sumarleyfisstaðurinn.

Á Tyrklandi er hægt að fá ágæt hótél á góðu verði. Maturinn er ekki heldur dýr.

Túnis er staður þar sem ódýrt er að

vera með fjölskyldunni. Svo er gott að athuga að ferðir í júní og september eru ódýrari en um mitt sumar.

Borg og strönd

Sumir vilja njóta bæði borgar og strandar á ferðalaginu. Í Nice er það auðvelt og sömuleiðis í Barcelona, Apenu, Split í Króatíu og Valencia á Spáni.

Þeir nöktu

Cap d'Agde við frönsku Miðjarðarhafsströndina er þekktasta og stærsta svæðið fyrir nektarunnendur, þar er þá sem vilja

ganga um naktir. Á þessu svæði er enginn í fötum, hvorki á veitingahúsum, í verslunum eða annars staðar. Um 25 þúsund manns mæta á svæðið yfir hásumarið og njóta þess að vera klæðlausir.

La Cala, Denia á Spáni er fyrir norðan Alicante og þar er besta nektarströnd Spánar.

Hægt er að fara í „naktar“ siglingar frá Omis og Split í Króatíu þar sem komið er við á nektarströndum.

Binigaus á Menorcu á Spáni er vinsæl nektarbaðströnd og önnur þekkt er á Korfu í Grikklandi.

www.gongugreining.is


Getum við ekki örugglega gert eitthvað fyrir þig...

Ætlar þú

að byrja að hlaupa eða ganga í sumar... komdu og við hjálpum þér að velja skó sem henta þínu fótlagi og niðurstigi.

Ert þú

með verki í skrokknum... komdu í göngugreiningu og við balancerum þig af með innleggjum og réttum skóbúnaði.



Tímapantanir í síma 55 77 100

ATLAS
GÖNGUGREINING



Púpur silkiorma þræddar upp á spjót á Donghuamen-næturmarkaðinum í Kína.

Bland í poka

Sameinuðu þjóðirnar hvetja nú heimsbúa til að kjamsa á skordýrum vegna hollustu þeirra og framtíðar jarðar. Hafðu neðangreinda útsölustaði skordýrasnarls á bak við eyrað næst þegar þú leggur land undir fót.

- Donghuamen-næturmarkaðurinn í Peking er iðandi veislu- borð ferskra margfætlna, silkiorma, sporðdreka, bjalla og krybba sem oftast eru steikt og þrædd upp á tein.
- Í Suður-Mexíkó þykja spriklandi engisprettur lostæti, steiktar með eldþipar, límónu og hvítlauk og hægt að nálgast bæði á veitingastöðum og mörkuðum.
- Lirfur trjámölflugna hafa löngum þótt hnossgæti meðal frumbyggja Ástralíu og bjóðast nú vítt og breitt þar í landi. Ristaðar lirfur verða stökkar að utan en gulleitar og minna á mjúka eggjaraudu að innan.
- Í Taílandi er ekkert sjálfsagðara en að snarla á steiktu skorkvikindi. Stórar vatnapöddur, krybbur, bambusormar og engisprettur eru alls staðar nálægir og bornar fram í kramarhúsum eins og hvert annað gotterí. Ef valkvíði læðist að svöngum er óþarfi að örvænta því skordýrasölumenn bjóða líka upp á bland í poka.



Leyndarmálið á bak við
ómótstæðilegan grillmat er
Mango Chutney

Sharwood's®





Farið yfir Blöndukvíslar vestan við Hofsjökul.



Ferðamenn við Víti.

Ferðalag mitt um miðhálandi Íslands

Anna María Sigurjónsdóttir gaf nýlega út ljósmyndabókina „My Trip Through The Interior Of Iceland“. Myndirnar í bókinni tók hún á fimm ára tímabili á ferðalögum sínum um miðhálandi landsins. Í bókinni er að finna íðilfagrar náttúrumyndir, auk ýmiss fróðleiks um hvernig á að bera sig að á ferðalögum um hálandið og ábendinga um umgengni við íslenska náttúru.

Anna María vann bókina með breskum vinum sínum en síðastliðin fimm ár hafa þau ferðast með hópi góðra vina um hálandi Íslands og farið jafnvel fjórar til fimm ferðir á hverju ári. „Ég myndaði það sem fyrir augu bar án þess að hafa bókaútgáfu sérstaklega í huga,“ segir Anna María.



Anna María Sigurjónsdóttir ljósmyndari.

„Á einhverjum tímavarki spurðu Bretarnir mig hvar væri hægt að fá handhæga ljósmyndabók með upplýsingum um hálandisferðir á Íslandi. Við ákváðum í sameiningu að gefa eina slíka út og krydda hana með skemmtilegum sögum og upplifunum fólks frá tólf löndum sem ferðast hefur með okkur yfir árin.“

Í bland við ljósmyndir eru upplýsingar sem koma sér vel

fyrir ferðamenn sem hyggjast ferðast um miðhálandi Íslands. „Það er fjallað um vegina, utanvegaakstur, árnar, fjallakofana, heitar laugar, björgunar sveitirnar, hálandisgæsluna og umgengni á hálandinu almennt. Í lok bókarinnar imprum við aðeins á vetrarferðum en það er svo efni í annars konar bók,“ segir Anna María en það er henni hjartans mál að miðla upplýsingum til ferðamanna um umgengni við náttúruna.

Bókin er til sölu í Eymundsson, Iðu, á bensínstöðvum N1, bílaleigum og nokkrum hótélum.

Bókin verður einnig fáanleg erlendis sem og á Amazon og ferðabókunarvefjum.



Tjald í Hvanngili með Stóru-Súlu í baksýn.

**FERÐAMÁLA
SKÓLINN**

STARFSTENGT FERÐAFRÆÐINÁM

**Ævintýrlegur
starfsvettvangur**

**Langar þig að starfa í ört vaxandi atvinnugrein
– eða ertu starfandi í ferðapjónustu?**

Kynntu þér spennandi nám sem býður upp á mörg tækifæri og möguleika

Innritun lýkur 31. maí

WWW.MK.IS

Ferðamálastólinn sími: 594 4020


MENNTASKÓLINN Í KÓPAVOGI
HÓTEL OG MATVÆLASKÓLINN FERÐAMÁLASKÓLINN LEIÐSÖGUSKÓLINN





Stórlækkað verð með Norrænu Smyril Line 30 ára

Skráðu þig á póstlistann
á www.smyrilline.is og þú
gætir unnið ferð til Færeyja



Danmörk
1 fullorðinn með bil
verð
frá **61.000**
[smyrilline.is/
Danmörk-með-bilinn](http://smyrilline.is/Danmörk-með-bilinn)

Færeyjar
1 fullorðinn með bil
verð
frá **33.900**
[smyrilline.is/
Færeyjar-með-bilinn](http://smyrilline.is/Færeyjar-með-bilinn)

Verð er fyrir báðar leiðir!

Húsbíla & hjólhýsatilboð Færeyjar + Danmörk

27. júní – 23. júlí

**Nokkur
pláss
laus**

**Afmælis-
tilboð
Smyril Line
30 ára**



Stoppað í fallegu Færeyjum á útleið í 3 daga, siglt til Danmerkur á sunnudagskvöldi. Góða ferð!
Takmarkað pláss – bókaðu snemma.

2 fullorðnirkr. 175.000
Innifalið í verði: Ferð með Norrænu, 2ja manna klefi án glugga.

2 fullorðnir + 2 börn (3-11 ára) . .kr. 265.000
Innifalið í verði: Ferð með Norrænu, 4ra manna fjölskylduklefi án glugga.

*Lengd farartækis allt að 10 metrum.
Aukagjald greiðist fyrir hvern umfram metra.*

 **570-8600 / 472-1111 • www.smyrilline.is**



FYRSTI KVENNAKLÚBBURINN Í LUNDÚNUM

Frá átjándu öld síðustu aldar hefur konum í London verið meinaður aðgangur að sérstökum karlklúbbum sem hafa lífað góðu lífi víðs vegar um borgina. Nú er 21. öldin hins vegar runnin upp og þótti tími til kominn að opna sérstakan kvennaklúbb. Var það gert fyrir skemmstu og er hann sannarlega ekki af verri endanum.

Klúbburinn, sem er staðsettur í glæsiverfinu Belgravia, heitir Grace Belgravia. Þar ríkir mottóið fegurðin að innan og er lögð höfuðáhersla á heilsurækt, vellíðan og lífsstíl meðlima. Þeir hafa aðgang að alls kyns útpældum lúxusrýmum, líkamsræktarstöð, sundlaug og fjölmörgum nuddstofum. Boðið er upp á einkaþjálfun, pilates, jóga, spinning og dans. Í klúbbnum er sömuleiðis bókasafn og er hægt að skrá sig í alls kyns bóka- og samræðuklúbba. Þar er líka kaffitería af bestu gerð með alls kyns heilsuréttum. Á fimmtudögum og föstudögum er líka boðið upp á kokkteila.

Karlmenn fá ekki að koma inn í klúbbinn nema á fimmtudögum en þá gefst þeim kostur á að snæða þar kvöldmat. Sams konar fyrirkomulag hefur löngum tíðkast í karlklúbbum sem hleypa konum inn einu sinni í viku.



MATUR Á FERÐALÖGUM

Mikill vöxtur hefur orðið í matartengdri ferðaþjónustu hérlandis undanfarin ár, auk þess sem úrval veitingastaða á landsbyggðinni hefur aldrei verið meira. Margir minni veitingastaðir bjóða upp á metnaðarfullan matseðil sem byggir að mestu leyti á hráefni úr héraði sem oft er matreitt á nýstárlegan máta. Vefurinn icelandlocalfoodguide.is fór í loftið í fyrra og var upphaflega ætlaður erlendum ferðamönnum. Hann nýtist þó Íslendingum líka vel en þar má finna lista yfir fjölda veitingastaða á landsbyggðinni auk höfuðborgarsvæðisins. Fjöldi myndbanda er einnig á vefnum sem kynna áhuga-verða veitingastaði og skemmtilegar matarhefðir ólíkra landshluta. Fjölmíðlakonan góðkunna, Vala Matt, stendur á bak við vefinn og efni hans má einnig finna á Facebook, Youtube og Twitter. Fyrir þá sem vilja nærast á góðum, hollum og spennandi

mat á ferðalagi innanlands ættu að kynna sér vefinn.

MEIRI LÚXUS Í KÖBEN

Til stendur að breyta skrifstofum á efstu hæð Illums Bolighus í Kaupmannahöfn í hótelsvitur. Gestir fá þá útsýni yfir Amagertov og Strikið eins og Túristi.is segir frá.

Herbergin verða í dýrari kantinum en framkvæmdastjóri Illums segir í samtali við Berlingske að ákveðið hafi verið að nýta betur efstu hæðina, sem í dag hýsir skrifstofur. Þar sé verönd með frábæru útsýni yfir borgina. Svíturnar verði tíu talsins en full þörf sé fyrir lúxusgistingu í Kaupmannahöfn.

Framkvæmdastjóri Wonderful Copenhagen tekur í sama streng. Hann segir framboð af lúxusveitingastöðum og -börum í Kaupmannahöfn gott og í raun betra en framboð af lúxusgistingu. Það misræmi þurfi að laga. Það geti fælt ferðamenn með mikið milli handanna frá ef þeir finna ekki gistingu á sama mælikvarða og mat og drykk í borginni.



flugrútan

Reykjavík Excursions
KYNNISFERÐIR

ÞÚ KEMST ÞANGAÐ MEÐ OKKUR!

NJÓTTU ÞESS AÐ FERÐAST Á EINFALDAN HÁTT.

Áætlunarferðir Flugrúttunnar eru í tengslum við allar komur og brottfarir flugvéla um Keflavíkurflugvöll.

Kaupu miða núna á www.flugrutan.is
Alltaf laus sæti.



BSÍ - Umferðarmiðstöðin
101 Reykjavík
☎ 580 5400
main@re.is • www.re.is



Skannaðu stríkamerkid með snjallsímanum og kynntu þér áætlunina.

